

Yakobo Nwoma

¹ Krataa yi firi me Yakobo a meye Onyankopɔn ne Awurade Yesu Kristo ɔsomfoɔ nkyen,

Mekyea mmusuakuo dumieniu a wɔahwete no nyinaa.

Gyidie Ne Nyansa

² Anuanom, sɛ sɔhwɛ bi ba mo akwan mu a, momma mo ani nnye ³ ɛfiri sɛ, sɛ mo gyidie tumi gyina sɔhwɛ no ano a, ɛno ansa na monya boasetɔ. ⁴ Momma boasetɔ no ntena mo mu daa nyinaa sɛdeɛ ɛbeyɛ a, mobeyɛ pɛ a biribiara ho renhia mo. ⁵ Sɛ nyansa ho hia mo mu bi a, ɛsɛ sɛ ɔbo mpaeɛ sɛ Onyankopɔn na ɔbɛma no bi, ɛfiri sɛ, Onyankopɔn firi ayamye ne adom mu ma obiara deɛ ɛhia no no kwa. ⁶ Na sɛ worebo mpaeɛ a, ɛsɛ sɛ wogyɛ di a wonnye ho akyinnyeɛ. Obiara a ɔgyɛ akyinnyeɛ no te sɛ ɛpo asorɔkyɛ a mframa bo no kɔ baabiara a ɛpɛ. ⁷ ɛnsɛ sɛ saa onipa no susu sɛ ɔbɛnya biribiara afiri Awurade nkyɛn; ⁸ n'adwene ye no ntanta a ɔntumi nsi biribiara pi.

Ohia Ne Ahonya

⁹ Sɛ Onyankopɔn ma onua hiani so a, ɛsɛ sɛ n'ani gye, ¹⁰ na adefoɔ a wabrɛ wɔn ase no nso saa ara. ɛfiri sɛ, adefoɔ no twam kɔ sɛ wiram afifideɛ bi. ¹¹ Owia pue de ne hyeɛ no hye afifideɛ

no ma n'ahoofe no see. Saa ara na wɔbeseɛ adefoo no eberɛ a wɔgu so redi wɔn nnwuma no.

Sɔhwɛ

¹² Nhyira nka onipa a ɔnya gyidie wɔ amanehunu mu, efiri sɛ, ɔno na ɔbɛnya akyedee a Onyankopɔn ahyɛ ho bɔ ama wɔn a wɔɔ no no.

¹³ Sɛ wɔsɔ obi hwɛ a, enɛ sɛ ɔka sɛ, "Saa sɔhwɛ yi firi Onyankopɔn." Efiri sɛ, bɔne rentumi nso Onyankopɔn nhwɛ, na ɔno Onyankopɔn nso nso obi nhwɛ. ¹⁴ Na sɛ onipa twe ne ho na ɔno ara n'akɔnnɔ yi no a, na ayɛ sɔhwɛ ama no. ¹⁵ Na sɛ akɔnnɔ no nyinsen a, ewo bɔne, na bɔne no nyini a ewo owuo.

¹⁶ Me nuanom adɔfoɔ, mommma wɔnnnaadaa mo. ¹⁷ Akyedee pa ne akyedee a eyɛ pɛ nyinaa firi ɔsoro; efiri Onyankopɔn a ɔbɔɔ ɔsoro hann no nkyɛn na eba. ɔno na ɔnsesa sɛ sunsum. ¹⁸ ɔfiri ne pɛ mu nam nokore a ewɔ asem no mu no so woo yɛn sedee ebeyɛ a, yɛbedi ekan wɔ abodeɛ nyinaa mu.

Otie Ne ɔyɛ

¹⁹ Me nuanom adɔfoɔ, monhyɛ yeinom nso: monyɛ ntem ntie, monyɛ nyaa nkasa na monyɛ nyaa mfa abufuo; ²⁰ efiri sɛ, onipa abufuo no mma ɔnnya Onyankopɔn teneneɛ no. ²¹ Eno enti, montwe mo ho mfiri afideɛ ne atirimuɔden ho. Momfa mo ho mma Onyankopɔn na monnye asem a ɔdua wɔ mo akoma mu a ebegye mo nkwa no.

²² Monntie asem no sɛ atiefɔɔ kwa nsisi mo ho, na mmom, monyɛ asem no yefɔɔ. ²³ Obiara a otie asem no na ɔmfa nni dwuma no te sɛ obi a ɔhwɛ

ahwehwe mu, na ɔhunu sɛdeɛ ɔteɛ. ²⁴ Ɔhwe ne ho wɔ ahwehwe no mu hunu ne ho yie na sɛ ɔfiri ahwehwe no anim ara pɛ a, ne were firi deɛ ɔhunuiɛ no nyinaa. ²⁵ Nanso, obiara a ɔhwe mmara a eyɛ pɛ no mu yie, deɛ ɛma onipa de ne ho, na ɔdi so, na ɔtie, na ne were mfiri, na ɔde di dwuma no, Onyankopɔn behyira saa onipa no wɔ biribiara a ɔye mu.

²⁶ Sɛ obi susu sɛ ɔye Onyamesomfoɔ na wanto ne tekrema nnareka a, ne nyamesom no ho nni mfasoɔ na ɔdaadaa ne ho nso. ²⁷ Deɛ Agya Onyankopɔn fa no sɛ eyɛ nyamesom pa no nie: Ɔhwe nwisiaa ne akunafoɔ wɔ wɔn ahohia mu, na ɔyi ne ho firi ewiase porɔɛ ho.

2

Kɔkɔbɔ

¹ Me nuanom, sɛ moyɛ agyidifoɔ wɔ Awurade Kristo animuonyam mu yi, monnye animhwe.

² Sɛ mohyia a, ɔdefoɔ a ɔhyɛ mɔpɛtea ne ntade pa ne ohiani bi nso a ɔhyɛ ntadego nso tumi ba bi.

³ Sɛ wode anidie ma deɛ wasiesie ne ho yie no, na woka kyere no sɛ, “Tena saa akonnwa pa yi so,” na woka kyere ohiani no nso sɛ, “Sɔre gyina ho anaa tena fam wɔ me nan ase ha” a, ⁴ wodi fo sɛ wogyina atemmuo a ɛfiri adwemmɔne mu de nyiyimu abeto mo mu no ho.

⁵ Me nuanom adɔfoɔ, montie! Onyankopɔn yii ewiase yi mu ahiafoɔ sɛ wɔnyɛ adɛfoɔ wɔ gyidie mu na wɔanya ahennie a ɔhyɛɛ wɔn a wɔɔ no no ho bɔ no. ⁶ Nanso, moammu ahiafoɔ! Eɛhefoɔ na wɔdi mo nya twe mo kɔ atemmufoɔ anim?

Adefoo! ⁷ Wɔne nnipa a wɔkasa tia din pa a wode ama mo no.

⁸ Eɣe se modi yen Awurade mmara a eka se, “Do wo yɔnko se wo ho” no so. ⁹ Na se mohwe nnipa anim de gye wɔn a, modi ho fo na Mmara no tia mo se mmaratoofo. ¹⁰ Obiara a ɔbu mmara no mu baako pe so no bu ne nyinaa so. ¹¹ Efiri se, deɛ ɔkaa se, “Nsɛe awadeɛ” no, ɔno ara nso na ɔkaa se, “Nni awu.” Na se woansɛe awadeɛ na wodi awu a, woabu mmara so.

¹² Se woye Kristo apɛdeɛ o, se woanye n’apɛdeɛ o, wobebu wo ho aten. Enti hwe asem a woka ne deɛ woye biara yie. ¹³ Efiri se, obi a wanhunu mmɔbo no, Onyankopɔn atemmuo mu no, wɔrenhunu no mmɔbo. Nanso atemmuo mu mpo no, Onyankopɔn hunu mmɔbo.

¹⁴ Me nuanom, se obi ka se, “Mewɔ gyidie” na ɔnni gyidie no ho dwuma a, mfasoo ben na ewɔ soo? Saa gyidie no betumi agye no nkwa anaa? ¹⁵ Se anuanom bi wɔ ho a ntoma ho hia wɔn na wɔnni aduane dodoɔ nso a wobedi, ¹⁶ se wokɔka kyerɛ wɔn se, “Onyame nhyira mo! Mo ho nye mo hye na monnidi yie” na se woamma wɔn asetena yi mu deɛ ehia wɔn a, papa ben na woaye wɔn? ¹⁷ Saa ara na gyidie tee. Se nneyɛɛ nka ho a, na awu.

¹⁸ Nanso, obi betumi aka se, “Obi wɔ gyidie na afoforo nso wɔ nneyɛɛ.”

Me mmuaɛɛ ne se, “Kyerɛ me sɛdeɛ obi tumi nya gyidie a nneyɛɛ mmata ho ase. Me deɛ menam me nneyɛɛ so bekyerɛ wo me gyidie.” ¹⁹ Wogyɛ di se Onyankopɔn baako pe na ɔwɔ ho? Eɣe! Ahonhommone nso gye di saa ara na wɔn ho popo wɔ suro mu.

20 Ɔkwasea! Wope se woka kyere wo se gyidie a nneyee mmata ho no ho nni mfaso ana? 21 Eyee den na Onyankopon buu Abraham bem? Enam ne nneyee so se ode ne ba Isak maa wo afɔrebukya so no. 22 Wohunu se ne gyidie ne ne nneyee nyinaa redi dwuma na ne nneyee no maa ne gyidie no dii mu. 23 Na Atweresem no baa mu se, Abraham gyee Onyankopon diie na esiane ne gyidie no enti, Onyankopon gyee no se ɔteneneeni. Enti wɔfre Abraham Onyankopon adamfo. 24 Yei da no adi pefee se Onyankopon nam onipa nneyee so na ɔbu no bem, na ennam ne gyidie nko so.

25 Saa ara na ete wo adwaman Rahab ho. Ne nneyee maa Onyankopon buu no bem, efiri se, ɔgyee Yudafoɔ bi a wosomaa won, boaa won ma wɔdwane faa ekwan foroɔ bi so. 26 Sedee onipadua a honhom nni mu awuo no, saa ara nso na gyidie a nneyee mmata ho no nso awuo.

3

Tekrema

1 Me nuanom, enye mo nyinaa na ese se moye mo ho akyerekyerefoɔ, efiri se, monim se yen akyerekyerefoɔ de se yefom a, wɔbebu yen aten a emu ye den sene aforoɔ. 2 Yen nyinaa taa ye mfomsoɔ. Onipa a onye mfomsoɔ wo dee oka mu no ye pe a ɔbetumi ahye ne onipadua no so.

3 Yede nnareka to ɔponko anom sedee ɔbetie yen na yeatumi ama wako baabiara a yere se oko. 4 Anaase dwene ehyen ho: sedee ne kese te a mframa a ano ye den na ebo no, nanso wotumi de akyerekyerekwan ketewaa bi na edanedane

no ma eko baabi a hyenkafoɔ no pe se eko. ⁵ Saa ara na tekrema tee: ne ketewa yi nyinaa akyi, etumi hoahoa nneema akeseɛ. Hwe sɛdeɛ ogya ketewaa bi tumi hye kwaɛɛ keseɛ. ⁶ Tekrema te se ogya. Ewɔ tumi bɔne bi wɔ onipa akwaa mu. Eɛɛ onipadua no nyinaa; eɛɔ onipa abrabo nyinaa so ogya ma edere framfram.

⁷ Onipa tumi dwodwo mmoadoma, nnomaa, mmoa a wɔwea fam, epo mu mmoa nyinaa, ⁸ nanso obiara rentumi nnwodwo tekrema da. Eye bɔne a onhome so na awuduro ahyɛ no ma.

⁹ Yede tekrema kamfo yen Awurade ne yen Agya na yede eno ara nso adome nnipa a wɔbɔ wɔn Onyankopɔn sɛso so. ¹⁰ Ano korɔ no ara mu na nkamfo ne nnome firi ba. Me nuanom, enɛ se eba saa. ¹¹ Nsuo pa ne nsuo a eye nkyenenkyene betumi afiri asutire baako mu aba? ¹² Me nuanom, borɔɔma dua betumi aso ngo dua aba? Anaase bobɛ betumi aso borɔɔma? Saa ara na asutire a eye nkyenenkyene remma nsu pa.

Nyansa A Efiri Osoro

¹³ Obi wɔ mo mu a onim nyansa na owɔ nteaseɛ? Eɛ se onam abrabo pa, nnwuma pa a wɔnam ahobreaseɛ ne nyansa so da no adi. ¹⁴ Na se mowɔ nitan, mansotwe ne pesemenkomenya wɔ mo akoma mu a, enneɛ enɛ se mohoa mo ho, na nam so ka nkontompo tia nokore. ¹⁵ Saa nyansa yi mfiri osoro na ebaɛɛ. Eye ewiase nyansa na eye honhommone nso. ¹⁶ Baabiara a nitan ne pesemenkomenya wɔ no, basabasa ne bɔne ahodoɔ nyinaa bi wɔ ho.

17 Nanso, nyansa a efiri ɔsoro no ye kronkron; asomdwoee wɔ mu, edwo na ewɔ nidɔ; ewɔ ahummɔborɔ na nneyee pa firi mu ba; ennye akyinnyee na enye nyaatwom nso. 18 Na esɔ aba pa a efiri aba a asomdwoeeɔɔ dua no asomdwoee mu no.

4

Brɛ Wo Ho Ase Ma Onyankopɔn

1 Ɔko ne akasakasa a asi mo mu yi firi he? Efiri mo ara mo akɔnnɔ a ene mo onipadua di asie no. 2 Morepe nneema bi nanso morentumi nnya, eno enti moaye mo adwene se mobedi awu. Mo ani abere dendeenden repe nneema bi, nanso mo nsa nka, enti akasakasa ne ɔko nam so ba. Deɛ morehwehwe no, mo nsa renka efiri se, mommisa Onyankopɔn. 3 Na se mobisa koraa nso a, mo nsa renka, efiri se, mowɔ adwemmɔne. Mobisa nneema a eye mo akɔnnɔdeɛ.

4 Nnipa a monni gyidie! Monnim se, se mofa ewiase adamfo a, na moye Onyankopɔn atamfo? Obiara a ɔpe se ɔye ewiase adamfo no dane Onyankopɔn ɔtamfo. 5 Mosusu se Atweresem a eka se, “Ninkunutwe ahye honhom a Onyankopɔn de ahye yen mu no ma” no wɔkaa no kwa? 6 Nanso, adom a Onyankopɔn dom yen no dɔɔso yie. Na Atweresem no ka se, “Onyankopɔn si ahantanfoɔ kwan, na ɔdom ahobreasefoɔ.”

7 Enti, momfa mo ho nhye Onyankopɔn ase. Monsi ɔbonsam kwan, na ɔbedwane afiri mo ho. 8 Mommen Onyankopɔn, na ɔno nso beben mo. Monhohoro mo nsa ho, mo nnebɔneyeɔɔ!

Monte mo akoma mu, mo a mo adwene ye ntanta! ⁹ Monni awerehoɔ, monsu, na montwa agyaadwoɔ; momma mo sereɛ nnane su, na mo anigyee nnane awerehoɔ. ¹⁰ Mommre mo ho ase mma Awurade, na ɔbema mo so.

Atemmuo Ne Kɔkɔbɔ

¹¹ Me nuanom, monnnidi mo ho nsekuro. Obiara a ɔkasa tia ne nua anaa ɔbu no aten no, kasa tia Mmara no. Na se wobu Mmara no aten a, na ekyerɛ se, afei deɛ wonni Mmara no so. ¹² Onyankopɔn nko na ɔma mmara na ɔbu aten. Ɔno nko na ɔgye nkwa na ɔsee. Wone hwan a wobu wo yɔnko aten?

Ahohoahoa Ne Kɔkɔbɔ

¹³ Mo a moka se, “Enne anaa ɔkyena yɛbetu kwan akɔ kuro bi so akɔdi afe akɔye adwuma, aɛ sika” no, montie me. ¹⁴ Monnim deɛ ebeto mo ɔkyena: Mote se huhuro a eba mmere tiawa bi na ayera. ¹⁵ Asem a ese se moka ne se, “Se Awurade pɛ a, yɛbeyɛ yei anaa yei.” ¹⁶ Nanso, seesei mohoahoa mo ho de mo nsa si mo bo; saa ahohoahoa no nyinaa ye bɔne. ¹⁷ Enti, deɛ ɔnim papaye na ɔnye no, eye bɔne ma no.

5

Ahonya Ho Kɔkɔbɔ

¹ Afei, mo adefoɔ nso montie! Monsu na montwa agyaadwoɔ wɔ amanehunu a ereba mo so ho. ² Mo ahonya no aporo na nweweboa awe mo ntoma. ³ Mo sika ne mo dwete awe nnaakye na saa nnaakye no bedi adanseɛ atia mo, na ahye mo honam se ogya. Moahyehye agyapadeɛ nna a

edi akyire no mu. ⁴ Nnipa a wɔyɛɛ adwuma wɔ mo mfuo mu no, montuaa wɔn ka enti wɔresi apinie. Na wɔn apinisie no aduru Onyankopɔn, Awurade Otumfoɔ no aso mu. ⁵ Mo asetena wɔ asase so ha ye afɛfɛdeɛ ne anigyɛɛ. Moadodɔre sradɛɛ ama okum da. ⁶ Moabu deɛ ɔnni fɔ kumfɔ akum no; ɔnsi mo ekwan.

Boasetɔ Ne Mpaɛɛbɔ

⁷ Me nuanom, monto mo bo ase kɔsi sɛ Awurade bɛba. Monhwɛ sɛdeɛ okuafoɔ nya boasetɔ twɛn asusoberɛ. ⁸ Ɛsɛ sɛ mo nso moto mo bo ase. Momma mo anidasɔɔ mu nye den ɛfiri sɛ, da a Awurade bɛba no abɛn. ⁹ Anuanom, monnni nsekuro ntia mo ho mo ho, na Onyankopɔn ammu mo atɛn. Hwɛ, Ɔtemmufɔɔ no gyina ɛpono no ano.

¹⁰ Me nuanom, monkaɛ adiyifoɔ a wɔde Awurade din kasaeɛ no. Momfa wɔn sɛ nhwɛsɔɔ wɔ wɔn boasetɔ ne tumi a wɔtumi de tenaa amanahunu mu no. ¹¹ Yede anidie ma wɔn, ɛfiri sɛ, wɔnyaa boasetɔ. Moate Hiob boasetɔ no na monim deɛ Awurade de dom no awieɛɛ no ɛfiri sɛ, Awurade ye ɔdomfoɔ ne mmɔborɔhunufɔɔ.

¹² Ne nyinaa akyi no, anuanom, sɛ mohyɛ bɔ a, monnka ntam nsi so. Mommfa ɔsoro anaa asase anaa biribiara nnka ntam. Sɛ mope sɛ moka “Aane” a, monka “Aane”. Sɛ nso mope sɛ moka “Dabi” a, monka “Dabi” na mo amma Onyankopɔn atemmuo ase.

¹³ Mo mu bi wɔ ɔhaw bi mu anaa? Ɛsɛ sɛ saa onipa no bɔ mpaɛɛ. Mo mu bi wɔ ahoto mu anaa? Ɛsɛ sɛ ɔto ayɛyie nnwom. ¹⁴ Mo mu bi yare anaa? Ɛsɛ sɛ saa onipa no frɛ asafo mpanimfoɔ na wɔde Awurade din bɔ mpaɛɛ ma

no na wɔsra no ngo. ¹⁵ Sɛ wɔbɔ saa mpaɛɛ no gyidie mu a, ɛbɛsa ɔyarefoɔ no yadɛɛ, na Awurade bɛma no anya ahoɔden, na ne bɔne a wayɛ nyinaa, wɔde bɛkyɛ no. ¹⁶ Enti afei, monkeka mo bɔne nkɛyɛ mo ho mo ho, na mommobɔ mpaɛɛ mma mo ho mo ho sɛdɛɛ ɛbɛyɛ a, wɔbɛsa mo yadɛɛ. Onipa teneneɛ mpaɛɛbɔ tumi yɛ nneɛma bebree.

¹⁷ Yɛte sɛ Elia a ɔbɔɔ mpaɛɛ nokorɛ mu sɛ osuo nntɔ, na ampa ara osuo antɔ asase no so mfeɛ mmiensa ne fa. ¹⁸ Ɔsane bɔɔ mpaɛɛ bio maa osuo tɔɛɛ maa asase nyaa nnɔbaɛɛ.

¹⁹ Me nuanom, sɛ mo mu bi dwane firi nokorɛ ho na ɔfoforo de no ba bio a, ²⁰ Monkaɛ sɛ, dɛɛ ɔdane ɔdebɔneyɛfoɔ firi n'akwammɔne ho no gye no nkwa firi owuo mu ma wɔde ne bɔne dodoɔ no nyinaa kye no.

**Biblica® Wɔnhia ɛho kwamma nwoma
Asante Twi Nkwa Asem™
The Holy Bible in the Asante Twi language of Ghana:
Biblica® Wɔnhia ɛho kwamma nwoma Asante Twi
Nkwa Asem™**

copyright © 2020 Biblica, Inc.

Language: Twi

Dialect: Asante

Contributor: Biblica, Inc.

Adwuma yi, Creative Commons Attribution-ShareAlike 4.0 International License (CC BY-SA) na wode bae. Wope se wokenkan kwamma nwoma yi sɛso bi a, kɔhwɛ <http://creativecommons.org/licenses/by-sa/4.0> anaase twere krataa kɔma Creative Commons, P. O. Box 1866, Mountain View, CA 94042, USA.

Biblica® ye ahyensodee a Biblica Inc. akɔgye, na wope se wode Biblica® ahyensodee yi di dwuma a, gye se Biblica Inc. twere ho kwamma nwoma ma wo. CC BY-SA kwamma nwoma nhyehyɛɛ mu no, wobetumi aye adwuma yi sɛso de akɔ mmeaee ahodoɔ wɔ eberɛ a wonsesa Biblica® ahyensodee no. Se woye nsakrae anaase wokyerɛ saa adwuma yi ase kɔ kasa foforo bi mu efa so nya adwuma foforo firi yei mu a, ɛse se woyi Biblica® ahyensodee no firi ho. Nyafirimu adwuma no so no, ɛse se wotwere nsakrae a woaye no ne dee edidi soɔ yi nso ka ho: “Biblica Inc. adwuma kann no wɔ www.biblica.com ɛna open.bible a wonhia ɛho kwamma nwoma biara.”

Ɛse se wotwere Owuraye Tumi no wɔ baabi a nwoma no edin wɔ anaa kratafa a yetwere adwuma Owuraye Tumi gu no sɛdee edidi soɔ yi:

Biblica® Wɔnhia ɛho kwamma nwoma Asante Twi Nkwa Asem™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” ye ahyensodee a Biblica Inc. akɔgye afiri United States Patent and Trademark Office de hye won nneema ahodoɔ nso. Gye se Biblica Inc. ma wo ho ekwan ansa na woatumi de adi dwuma.

“Biblica” is a trademark registered in the United States Patent and Trademark Office by Biblica, Inc. Used with permission.

Ɛse se wode saa kwamma nwoma (CC BY-SA) yi ara na ɛto wo nyafirimu adwuma no soɔ.

Adwuma yi a woakyere aseɛ ako kasa foroɔ mu yi, se wope se wobɔ Biblica, Inc. amannee a, yesre wo, ene yen nni nkitaho wo <https://open.bible/contact-us>.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: "The original work by Biblica, Inc. is available for free at www.biblica.com and open.bible."

Notice of copyright must appear on the title or copyright page of the work as follows:

Biblica® Wɔnhia eho kwamma nwoma Asante Twi Nkwa Asɛm™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

"Biblica" ye ahyensodeɛ a Biblica Inc. akogyɛ afiri United States Patent and Trademark Office de hyɛ wɔn nneɛma ahodoɔ nso. Gye se Biblica Inc. ma wo ho ekwan ansa na woatumi de adi dwuma.

"Biblica" is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not

necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-18

PDF generated using Haiola and XeLaTeX on 22 Feb 2024 from source files dated 19 Apr 2023

4d908a5f-6fc6-5f10-9298-e0ab905f607f